



2020 йил «27» Март

№ 644а

Богот шаҳарчаси

Тумандаги “Имкон сари барака” фермер хўжалигига ажратиб берилган ер майдонини туман ер захира фондига қайтариб олиш тўғрисида

Ўзбекистон Республикаси “Ер кодекси”нинг 36-моддасига, “Фермер хўжалиги тўғрисида”ги қонуннинг 13-моддасига асосан, “Имкон сари барака” фермер хўжалиги бошлиғи Ў.Абдуллаевнинг фермер хўжалигига ажратиб берилган ер майдонини туман ер захира фондига қайтариб олишни сўраб туман ҳокими номига ёзган сўровномасини ҳамда бу юзадан фермер хўжаликларидаги кишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Маҳаллий давлат ҳокимияти тўғрисида”ги қонуннинг 6, 25-моддаларига асосланиб

ҚАРОР ҚИЛАМАН:

1. Тумандаги “Имкон сари барака” фермер хўжалиги бошлиғи Ў.Абдуллаевнинг фермер хўжалигига ажратиб берилган ер майдонларидан ихтиёрий воз кечиш тўғрисидаги туман ҳокими номига ёзган сўровномасини инобатга олиб “Имкон сари барака” фермер хўжалиги билан туман ҳокими ўртасида тузилган ер участкасини узоқ муддатли ижарага олиш тўғрисидаги шартномаси бекор қилинсин.

2. Ушбу қарор қабул қилиниши муносабати билан “Имкон сари барака” фермер хўжалигига ижарага ажратиб берилган 51, 58, 15, 16, 17, 18, 19, 20, 21, 22, 23-контурлардаги жами 12,5 гектар, шундан 10,5 гектар экин ери, 1,0 гектар ариқ ва зовурлар остидаги, 0,4 гектар йўллар остидаги, 0,6 гектар кишлоқ хўжалигида фойдаланилмайдиган бошқа ерлардан иборат бўлган ер майдони туман ер захира фондига қайтарилсин.

3. Туман ер ресурслари ва давлат кадастри бўлими (Ш.Норбоев) Қипчоқ кишлоғи ҳудудидаги “Имкон сари барака” фермер хўжалигига ажратиб

берилган ер майдонларини қонунда белгиланган тартибда туман ер захира фондига қайтарилишини таъминласин.

4. Ушбу қарор қабул қилиниши муносабати билан Қипчоқ қишлоғи худудидан туман ер захира фондига қайтариб олинган ер майдони танловга кўйилсин.

5. Туманда фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссияси (Э.Худайбергенов)га туман ер захира фондига қайтариб олинган ер участкаси бўйича белгиланган тартибда танлов ўтказиш вазифаси юклатилсин.

6. Ушбу қарорнинг тасдиғи фермер хўжаликларига қишлоқ хўжалиги учун ер майдонлари ажратиш масалаларини кўриб чиқувчи вилоят комиссиясидан сўралсин.

7. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев

